

956. Episcopus iustis de causis in Cæremoniali episcoporum præscriptis confirmationem magistri cæremoniarum a capitulo electi potest denegare, nec tenetur causas exprimere, S. R. C. 17 Julii 1754, in *Monopolitana*: Iustis de causis in Cæremoniali episcoporum præscriptis; quæ forte sunt: *Ut duo, si fieri possit, de gremio suæ Ecclesiæ, aspectu et statura corporis convenienti, et multo magis scientia et bonis moribus præditi, experti, et dociles ad hujusmodi onus assumantur, quorum primus vicissimum quintum saltem attingat annum, sitque in presbyterali ordine constitutus, bonis artibus instructus, et si fieri possit juris canonici, vel theologiæ intelligentiam habeat, divinorum Officiorum ac rituum ecclesiasticorum assiduus et diligens perscrutator. Cærem. episcop. lib. 1, cap. 6, n. 1. Vide etiam n. seqq. 160 et 949 seqq.*

957. Magister cæremoniarum non censi debet electus privative, etiam quoad omnes functiones episcopales, et assistentias præstari solitas episcopo tam intra, quam extra ecclesiam cathedrali, S. R. C. 17 Jul. 1754, in *Monopolitana*. Vide n. ant. et seqq.

958. Episcopo licitum est alium magistrum cæremoniarum eligere pro omnibus functionibus ab ipso peragentis, et aliis ipso præsentibus explendis, tam intra quam extra ecclesiam cathedrali, S. R. C. 17 Jul. 1754, in *Monopolitana*. Vide n. ant. et seqq.

959. Magistro cæremoniarum ab episcopo electo omnes capitulares tenentur obedire quoad ea, quæ divinum cultum concernunt, sub pœna arbitrio episcopi, S. R. C. 17 Jul. 1754, in *Monopolitana*. Vide num. antec.

960. Cum in tota Hispania sit concessum, ut tertia Dominica post Pascha celebretur festum Patrocinii S. Josephi sub ritu duplici, ex parte reverendissimi archiepiscopi et capituli ecclesiæ metropolitanæ Hispaniensis quæsitum fuit, si cadat illa die festum majoris ritus, an festum patrocinii S. Josephi sit transferendum ad aliam diem? Et responsum fuit, transferri posse: ita tamen ut pro dicto festo archiepiscopus assignet certam aliquam diem, quæ non sit Dominica fixa, S. R. C. 26 Nov. 1755, in *Hispalen*. Hoc decretum est generale ex rationibus allatis sub n. 989, 1257 et 1525.

961. Cum pluries occurrant quotannis eodem die duo festa sanctorum, quorum unum juxta rubricas est transferendum, petiit fuit ex parte ejusdem archiepiscopi, et capituli Hispaniensis, ut quoties perpetua est talis concurrentia, assignetur ei, quod transferendum est, dies propria, et fixa, prima nempe dies non impedita. Et sac. cong. rescripsit, quod sanctis, qui perpetuo sunt transferendi, sit assignanda dies fixa, et commisit eidem reverendissimo archiepiscopo, ut pro unica vice deveniat ad hanc designationem dierum, S. R. C. 26 Nov. 1755, in *Hispalen*. Hoc decretum est universale, et latissime ampliatur sub n. 1091 et 1162.

962. In festo expectationis partus beatissimæ Virginis Mariæ, hyumi sunt celebrandi cum versibus: *Virtus, honor, laus, gloria*, etc., et breve responsum ad Primam debet esse, *Qui venturus es in mundum*, S. R. C. 26 Nov. 1755, in *Hispalen*. et 29 Nov. 1758, in *Hispan*. Vide n. 1050.

963. An sancti, de quibus in toto anni decursu celebrari Officium non potuit, transferendi sint ad annum sequentem, vel potius eo anno sint omittendi? Sacra eadem Rituum congregatio, ad relationem eminentissimi et reverendissimi D. cardinalis Belluga, respondit: Sanctos, qui in fine anni supersunt, non esse ad annum sequentem transferendos, sed quoties toto anni decursu de illis celebrari non valeat, tunc illo anno, diebus eorum propriis considerandos esse tanquam simplices, faciendo illorum commemorationem, ut fit in semiduplicibus, cum nona lectione ad Matutinum composita ex om-

nibus eorum lectionibus propriis secundi nocturni ad modum unius: et ita declaravit, et servari mandavit, S. R. C. 26 Novemb. 1755, in una *Hispalen*. et die 8 Martii 1758, in una *Ord. Capuc. nec non 21 Jun. in una Ord. Casinensium et 6 Sept. in una S. Francisci de Observantia*: Ad annum sequentem; vulgarem intellige et communem, qui a Kalendis incipit Januarii. Vide n. 511. Sanctos, qui in fine anni supersunt, intellige illos etiam, qui sub ritu duplici celebrantur. Vide n. 1125 et 1194: Commemorationem, ut fit in semiduplicibus, scilicet ad primas et secundas Vesperas, et in Laudibus ordine ut in festis semiduplicibus, ideoque occurrentibus cum feria, et vigilia, prius de festo est agendum, postea de vigilia, vel feria. Vide n. 1165.

964. Lectiones primi nocturni de Exodo, quæ leguntur in Dominica quarta Quadragesimæ, quoties ista sit impedita aliquo festo primæ classis, reassumendæ sunt intra illam hebdomadam in festo occurrente, carente lectionibus propriis nocturni, quæ desumerentur de Scriptura occurrente, si festum illud extra Quadragesimam incidisset, S. R. C. 26 Nov. 1755, in *Hispalen*: Intra illam hebdomadam: Quid agendum a monachis S. Benedicti, si tota hebdomada esset impedita. Vide n. 991.

965. Relatis in S. R. C. ab eminentissimo D. cardinali Belluga die 26 Nov. anni proxime præteriti, reverendissimi archiepiscopi, et capituli metropolitanæ Hispaniensis enixis precibus, quibus supplicatum fuit pro elevatione Officii S. Josephi ad ritum duplicem primæ classis; nec non pro declaratione, utrum Officia semiduplicia, quæ occurrunt in Dominica infra octavam non privilegiatam, die Lunæ sequenti non impedita per Officium novem lectionum fieri debeant, in exclusione alicujus duplicis præcedentis transferendi? Sacra eadem congregatio tunc respondit: *Dilata*. Reprepositis iterum hujusmodi instantiis per dictum eminentissimum ponentem, eadem sac. cong. ad primum rescripsit, pro gratia elevationis absque octava. Ad secundum vero respondit, juxta votum eminentissimi ponentis, nempe quod in exclusione duplicis præcedentis transferendi in diem lunæ immediate sequentem non impeditam, debeat Officium fieri de semiduplici, quod aliquando occurrit in Dominica infra octavam privilegiatam, quia eo casu talis dies est assignata pro dicto semiduplici, S. R. C. 2 Aprilis 1756, in *Hispalen*: In Dominica infra Octavam; idem statuit cum occurrerit in die ipsomet festo habente octavam, vel alio a festo duplici impedito infra octavam eandem. Vide n. 509, et alios ibi notatos.

966. Præpositus cathedralis absente episcopo non debet thurificari triplici ductu, neque præsentem vicario generali. Ubi ob deficientiam sedium fixarum chori, canonici sedent in scamnis, sive in functionibus sacris, sive in congressibus canonicalibus, præsentem vel absente episcopo, debet sedere in illis primo loco, nec eidem apponenda est sedes cameralis, S. R. C. 21 Aprilis 1756, in *Anagnina*. Vide n. seqq.

967. In diebus solemnibus, sacrum faciente præposito cathedralis, non possunt exponi in gradibus abaci, pelvis, gutturnium, et manutergium in lance pro *Lavabo*, duobus mansionariis, vel clericis cum cotta ministrantibus, sed debet celebrare ad instar aliorum canonicorum, S. R. C. 21 April. 1756, in *Anagnina*: Ad instar aliorum canonicorum, scilicet ut simplex sacerdos, sed pretiosioribus indumentis in distincto loco, ab aliis sacerdotibus, sumptis. Vide num. 851 et 971.

968. In processionibus præposito cathedralis debetur candela majoris ponderis, et in distributione palmarum distincta, et honorabilior palma, quam cæteris de capitulo, S. R. C. 21 April. 1756, in *Anagnina*. Vide num. ant. et seqq.

969. Assistentibus in choro vicario generali, et præposito cathedralis, præcedere debet vicarius,

non vero præpositus, secus si præpositus sit indutus sacris vestibus, aut si vicarius sit canonicus, et intersit choro habitu canonicali, S. R. C. 21 April. 1756, in *Anagnina*: Præcedere debet vicarius. Ubi vero non adest consuetudo, Vide num. 16 et 1174.

970. Præpositus cathedralis, dum induitur vestibus choralibus, tolerari non potest, ut inserviat ei unus ex mansionariis; neque aliquis ex illis debet ei deferre Breviarium ad suum stallum, sac. Rit. cong. 21 April. 1756 in *Anagnina*. Vide num. antec. et seqq.

971. Præposito cathedralis non debentur paramenta sacra, et nobiliora in loco disincto a cæteris canonicis, S. R. C. 21 April. 1756, in *Anagnina*. Vide num. ant. et seqq.: A cæteris canonicis, sed tantum a quibuscunque aliis inferioribus de clero. Vide num. 967.

972. Præpositus cathedralis tenetur per seipsum, quando non est legitime impeditus, servare hebdomadam in choro, et canere Missas per turnum cum cæteris canonicis, S. R. C. 21 April. 1756, in *Anagnina*. Vide num. ant.

973. In festo S. Marci, vel respective in feriis Rogationum, si fiat de Officio duplici vel semiduplici in locis, ubi tantum una Missa cantatur, pro majori populi commoditate, ut possit post processionem vacare laboribus, convenientius est processionem facere post Nonam, inde cantare Missam Rogationum, S. R. C. 5 Maii 1756, in *Einsidlen*: Missa Rogationum; intellige extra ecclesias D. Marco dicatas. Vide num. 645.

974. In festo B. M. V. de Monte Carmelo, quod etiam a Regularibus servari debet die 16 Julii, quamvis Officium recitetur juxta concessionem Bened. XIII, prout in festo S. Mariæ ad Nives, tota tamen Missa, et non tantum Evangelium, dicatur illa, quæ a Sede Apostolica approbata est, et quæ incipit: *Gaudeamus omnes*, etc., S. R. C. 5 Maii 1756 in una *ordinis S. Benedicti congregationis Helvetiæ*: Missa *Gaudeamus*: approbata a Sede Apostolica die 24 Sept. 1726, Benedicto Papa XIII regnante.

975. Quando festum S. Petri martyris transferatur extra tempus paschale, evangelium erit: *Si quis venit ad me*, S. R. C. 5 Maii 1756 in *Einsidlen*. Vide num. 1062.

976. Ab orationibus expungenda sunt cognomina, et patriæ sanctorum, S. R. C. 5 Maii 1756 in *Einsidlen*. Præter hanc generalem sanctionem, alia habetur particularis pro S. Francisco de Paula sub n. 192. Adest quoque schedula Missalis typis reverendæ Cameræ (cujus exemplum omnes typographi extra Urbem tenentur exacte sequi, ut in n. 651) sigillo sacre Rituum congregationis, et manu D. secretarii firmata; in qua specificè et signanter sequentia tolluntur cognomina, et patriæ sanctorum ab orationibus, ad normam aliorum decretorum in ipsa schedula expressorum. Et sunt: S. Canuti regis Danorum die 16 Januarii, S. Petri Nolasci die 31 ejusdem mensis; S. Joannis de Matha die 8 Februarii; S. Pii V. die 5 Maii; S. Margaritæ reginæ Scotiæ die 10 Jun.; S. Joannis Gualberti die 12 Jul.; S. Raymundi Nonnati die 31 Aug.; S. Margaritæ de Cortona die 25 Febr. aliaque multa pro regularibus ordinis Seraphici S. Francisci.

977. Annua commemoratio omnium defunctorum alicujus ordinis, seu communitatis, non est transferenda, si in illa die occurrat festum duplex minus, etiam translatum, sed fiet Officium de duplici cum sola Missa solemnè post Tertiam: Officium vero defunctorum recitandum est post Laudes, et omnes Missæ privatae dicentur pro Defunctis in paramentis nigris, S. R. C. 5 Maii 1756, in *Einsidl.*: Fiet Officium de duplici; procedit generaliter hoc decretum, fallit autem in ecclesia Societatis Jesu civitatis Oeniponti. Vide n. 44.

978. In desponsatione B. M. V. non est facienda commemoratio S. Josephi, nisi constet de speciali concessione, S. R. C. 5 Maii 1756, in *Einsidlen*. Vide n. 880 et 1046.

979. Si die 21 Januarii occurrat in aliquibus locis festum alicujus sancti particulare sub ritu duplici, v. g. S. Meinradi apud Benedictinos, faciendum est Officium de tali sancto, et transferendum est Officium S. Agnetis, quod occurrit eadem die, cui assignari debet aliqua dies fixa, quæ tamen non sit dies 28 Januarii, ne festum sanctissimi Nominis Jesu, quod celebratur Dominica secunda post Epiphaniam, aliquando occurrat in eadem Dominica, quæ est Septuagesimæ, ideoque ne illud festum celebretur intra Quadragesimam (quod non conveniret), erit relinquenda vacua dies 28 Januarii, in quam id tunc erit transferendum. Quando autem agatur festum S. Agnetis secundo, fiet de eo commemoratio tanquam de simplici, nullo habito respectu, quod festum ejusdem solemnè prius non fuerit celebratum, S. R. C. 5 Maii 1756, in *Einsidl.*: Festum particulare, cum paritate ritus, et dignitatis, prævalet universali. Vide num. 802, 981, 1145, 1215.

980. In tertio nocturno pro festo Sancti Joannis Nepomuceni, tam intra, quam extra tempus paschale semper dicatur evangelium *Nihil est operuum*, etc., cum sua homilia, S. R. C. 5 Maii 1756, in *Einsidlen*.

981. Ubi celebratur festum S. Barbaræ sub ritu duplici, etiam sine speciali solemnitate, fiet de illa officium assignando aliam fixam, et perpetuam diem S. Petro Chrysologo, S. R. C. 5 Maii 1756, in *Einsidlen*. Ubi celebratur festum particulare, quod universalibus non cedit. Vide n. 902, 979 et 1045, ut eruitur ex pluribus decretis particularibus, hujusmodi autem assignatio diei fixæ ex decreto sac. Rit. congreg. 28 Aug. facienda non videtur inconsulta S. R. C.

982. Pro translatione festorum talis ratio habeatur, ut prius fiat Officium de prius descripto in Calendario, nullo habito respectu, quod Officium translatum sit ecclesiæ particularis, ordinis, seu religionis, diocesis, nationis, et Ecclesiæ universalis, S. R. C. 5 Maii 1756, in *Einsidlen*. Pro translatione festorum; intellige in pari ritu et dignitate. An id statuatur in assignatione talium Officiorum, Vide num. 1151, 1017 et 1162.

983. Quando occurrit festum aliquod in diocesi, quod sit de præcepto quoad forum, regulares de eo debent Officium facere, nisi apud ipsos occurrat eadem die aliud festum, quod sit ejusdem classis, ritus, et majoris dignitatis, S. R. C. 5 Maii 1756, in *Einsidlen*.

984. Quando in primis Vesperis S. Hermenegildi martyris hymnus proprius non fuerit recitatus, ponendus est in Matutino, et hymnus Matutini substituendus est in Laudibus, S. R. C. 5 Maii 1756, in *Einsidl.* Idem dicendum est de similibus, v. g. de S. Martina die 30 Januarii, aliisque, ne gestorum historicus ordo subvertatur.

985. In festo S. Margaritæ Scotorum reginæ ab aliquibus Breviariis expungi debent ultima verba lectionis, *Cujus festum ab eodem Pontifice concessum, Innocentius XI, octavo Idus Julii transferri jussit*, S. R. C. 5 Maii 1756, in *Einsidlen*.

986. Quando Vigilia Omnium Sanctorum venit in Dominica, et consequenter anticipanda est in Sabato, quod tunc erit die 30 Octobris, in qua a PP. Benedictinis celebratur festum Sacrarum Reliquiarum totius ordinis, tunc a prædictis monachis facienda est commemoratio tantum de Vigilia Omnium Sanctorum, S. R. C. 5 Maii 1756, in *Einsidlen*: Commemoratio tantum de Vigilia; quia evangelium Vigiliæ concordat cum illo festi, ut accidit quoque die festo Translationis almæ Domus apud plurimas



mundi catholici regiones, quando occurrit cum feria quarta Temp. Adventus, *Rubr. Brev. prop. Vide num. 1027.*

987. In die octava Dedicationis semper sunt repetendæ lectiones in primo nocturno, quæ jam lectæ fuerunt in primo nocturno Officii de ipsomet festo Dedicationis, *Rubr. Brev. de lection. num. 9, S. R. C. 5 Maii 1756 in Einsidlen.*: Semper sunt repetendæ; tanquam propria etiam ultra hanc petitionem, cui respondit sacra congregatio juxta Rubricam Breviarii de lectionibus num. 9, nempe: *Quando aliquod festum novem lectionum occurrit in Quadragesima, et Quatuor Temporibus; in secunda feria Rogationum, et in Vigilia Ascensionis, in quibus feriis in Officio de tempore non assignantur lectiones de Scriptura, sed de homilia; tunc enim in festis recurrendum est ad lectiones de Scriptura positas in communi sanctorum. Quod si in aliquibus ex supradictis feriis occurrat dies octava alicujus festi habentis octavam; tunc in primo nocturno diei octavæ repetantur lectiones, quæ in primo nocturno festi lectæ fuerunt; Rubric. Breviar. XXVI citata, Vide n. 1119.*

988. Quando dies octava Dedicationis impeditur per festum majoris ritus, et in ea occurrat Dominica, vel concurrat in primis, aut secundis Vesperis semiduplex, commemoratio diei octavæ faciendæ est ante commemorationem Dominicæ occurrentis, et semiduplex cujuscuque occurrentis, *S. R. C. 5 Maii 1756 in Einsidlen.*: Majoris ritus; quod sit primæ vel secundæ classis; octava enim dies non cedit duplicibus majoribus extra classem, et advertatur oportet, hoc decretum in omnibus generaliter procedere, quoad omnes octavas juxta rubricas Breviarii de octavis. *Vide num. 611 et 652.*

989. Non possunt transferri Officia illa affixa certis diebus, quæ sunt concessa pro locis et ecclesiis particularibus, ad eorum instantiam; at quando Officia prædicta sint de præcepto pro aliquo statu, sicuti sunt Officia plura B. M. V. concessa a S. M. Benedicto XIII, pro statu ecclesiastico affixa certis diebus, transferantur, *S. R. C. 5 Maii 1756 in Einsidlen. Vide num. 1258.*

990. In omnibus congregationibus ordinis Benedictini post festum Omnium sanctorum 14 Nov. celebratur sollemnis Commemoratio omnium defunctorum confratrum dicti ordinis; unde si illa die 14 Nov. alicubi adsit festum duplex, sive occurrens, fiet quidem Officium de tali festo duplici cum Missa solenni post Tertiam; Officium vero Defunctorum recitandum erit post Laudes, et omnes Missæ private dicendæ erunt pro defunctis confratribus in paramentis nigris: quapropter Commemoratio Omnium defunctorum non est transferenda in tali casu, *S. R. C. 5 Maii 1756, in Einsidlen.*: Duplex; minus, seu per annum, etiam translatum, et hoc decretum est generale. *Vide num. 977.*

991. Quæsitum fuit, an si per Dedicationem Ecclesiæ, vel aliud festum cadens in Dominica, impediatur initium Scripturæ talis Dominicæ, et per octavam non sit locus pro ea, eo quod omnes dies sint dies infra Octavam, præter unam forte, quæ tamen habet lectiones de communi assignatas; tunc tale initium sit omittendum, vel potius reponendum in illo festo, et quid si illud sit duplex majus? Et responsum fuit: Initium Scripturæ aut transferendum est ad diem liberam, etiam si post octavam hoc eveniat, aut anticipate legendum; sed in Officio, pro quo assignate sunt lectiones de communi, illæ sunt legendæ: quod faciendum est etiam in duplici majori, juxta *Rubr. Brev. de Lection. S. R. C. 5 Maii 1756, in Einsidlen.* Hoc decretum valet pro Benedictinis, qui in Officio de die infra octavam tres tantum lectiones admittunt. Qui vero Breviario Romano utuntur, videant num. 965 et 1099.

992. Ubi festum sanctissimæ Trinitatis est titulus ecclesiæ, sive est in Patrono, non est dicendum per totam octavam, sive Officium fiat de octava, sive de alio festo occurrente, Symbolum S. Athanasii, sed solum in solema festo SS. Trinitatis, et in die octava ejusdem, *S. R. C. 5 Maii 1756 in Einsidlen. Vide num. 860.*

993. Festum principalis Patroni alicujus dioceseos a Regularibus est celebrandum sub ritu duplici primæ classis, et dedicatio Ecclesiæ cathedralis sub ritu duplici secundæ classis sine octava: et degentes extra civitatem non tenentur ad Dedicationis Officium, *S. R. C. 5 Maii 1756, in Einsidlen. et antea die 16 Junii 1708, in Parisien.* Nomine Regularium intellige etiam Moniales, licet Ordinario subjectas, et per ly non tenentur, excipie etiam ad libitum. *Vide n. 285, 571 et 1151.*

994. Postquam S. Canutus pro ordine Benedictino est repositus die 20 Februarii, potest pridie hoc elogium legi in Martyrologio, *S. Canuti regis et martyris, viii Idus Januarii*, non variata tamen dispositione Martyrologii Romani, *S. R. C. 5 Maii 1756, in Einsidlen.* In Martyrologio Benedictino additur, et *quartodecimo Kalendas Februarii.* Idem sub die 20 Feb. Hoc decretum est generale. *Vide num. seq. 898 et 1114.*

995. Festa illa, quæ a die obitus aliquorum sanctorum translata, sortita sunt alium diem fixum, annuntianda sunt iisdem diebus, et verbis in Martyrologio Romano descriptis. Quod si eorum transferantur Officia, pridie quam celebrentur, potest nuntiari festum illius sancti, de quo sequenti die agatur sollemnis memoria, *S. R. C. 5 Maii 1756, in Einsidlen.* Iisdem diebus, quibus festa celebrantur, non notantur. *Vide num. ant. et 1114.*

996. Si in Dominica quarta post Pascha legantur lectiones initii Epistolæ B. Jacobi apostoli, in festo SS. apostolorum Philippi et Jacobi legendæ sunt lectiones ejusdem Epistolæ, quæ occurrunt dicendæ in illa feria, *S. R. C. 5 Maii 1756, in Einsidlen.*: In illa feria; si de Epistola B. Jacobi legatur, alioquin ponitur in die festo initium ejus Epistolæ, ut in Dominica quarta post Pascha, *Rubr. Brev. prop. de Sanctis.*

997. Cum sæpe contingat, ut in diocesi celebretur unum et idem festum, et alii in tertio nocturno unum assignent evangelium, alii vero aliud; Religiosi sequi debent ordinem proprii Breviarii, *S. R. C. 5 Maii 1756, in Einsidlen.*

998. Dominica in Albis potest legi nona lectio de simplici festo occurrente, ut accidit anno 1755 de S. Aniceto, *S. R. C. 5 Maii 1756, in Einsidlen.*

999. Quando festum SS. Philippi et Jacobi celebratur extra tempus paschale, omitti debent omnia Alleluia. Asterisci vero non tolluntur, *S. R. C. 5 Maii 1756 in Einsidlen.*: Omnia alleluia. Intellige plura quæ congruunt tempori paschali, non ea quæ habentur extra tempus prædictum in communi Apostolorum Brev. Romani, ex quo responsoria lectionum, capitula omnia, et responsoria brevia cum versiculis omnibus desumi debent, rubricæ Breviarii nonnullæ (proprio loco positæ) de Sanctis in mense Maii. Notandum autem ex Gavanto, quod repetitio ultima in istis responsoriis debet esse brevior, non autem prolixior.

1000. Quando October habet tantum quatuor Dominicas, servetur omnino dispositio Breviarii Romani, et in feria quinta, sexta, et Sabbato hebdomadæ quartæ legantur lectiones de Dominica quinta continentes historiam martyrii SS. Machabæorum, *S. R. C. 5 Maii 1756, in Einsidlen.*: Lectiones de Dominica quinta, scilicet, de Dominica quinta in die feriæ quintæ, et in feria sexta, de feria secunda; in Sabbato vero, de feria tertia ejusdem Dominicæ quintæ. Quod si fuerint impeditæ eo anno, omittantur illæ lectiones, quæ iis diebus legi non possunt. Si vero sequenti hebdo-

mada hæ lectiones in suis feriis legi non possint, ponuntur in sequentibus feriis ejusdem hebdomadæ juxta ordinem historiarum martyrii Machabæorum, *Rubr. Brev. de Temp. post feriam quintam Dominicæ 4 Octobris. Vide num. seq.*

1001. Quando in festo aliquo lectiones assignantur legendæ, sive propriæ, sive de communi, omittitur etiam initium Scripturæ, quod reponendum est infra hebdomadam in Officio ritus inferioris, minoris dignitatis et solemnitatis, etiamsi tale festum habeat lectiones proprias, aut sint de communi, *S. R. C. 5 Maii 1756, in Einsidlen. Vide num. ant. 964 et 991.*

1002. In festo S. Joannis Chrysostomi, quoad lectiones in primo nocturno legendas, servetur rubrica Breviarii Romani: unde extra Quadragesimam dicantur lectiones de Scriptura occurrente; intra Quadragesimam vero recitentur lectiones de communi Doctorum. Pro S. Joanne de Matha idem servandum, et in Quadragesima dicantur lectiones de communi, scilicet *Beatus vir, etc. S. R. C. 5 Maii 1756, in Einsidlen.*

1003. In festo S. Caroli Borromæi 4 Novemb. in primis Vesperis pro commemoratione sanctorum Vitalis et Agricolæ MM. antiphona erit, *Istorum est enim regnum celorum, etc., cum versu Latamini in Domino, etc., et ad Laudes substituetur versus: Exsultent justi, etc., post antiphonam: Vestri capilli, etc. S. R. C. 5 Maii 1756, in Einsidlen.*

1004. Quando festum S. Raphaelis celebratur Dominica tertia post Pascha, antiphona primi nocturni erit *Multa magnalia; et in secundo nocturno Archangele Raphael; in tertio autem Angelus archangelus, etc., S. R. C. 5 Maii 1756, in Einsidlen. Vide n. seq.*

1005. Dominica tertia post Pascha, ubi celebratur festum sancti Raphaelis archangeli, in tertio nocturno recitetur homilia S. Joannis Chrysostomi, nempe *Cum vellet Deus, etc., S. R. C. 5 Maii 1756, in Einsidlen. Vide n. ant.*

1006. Festum Lanceæ, quod est approbatum ex indulto in Germania, et celebratur feria sexta post Dominicam in Albis, si ob occurrentiam alicujus festi novem lectionum impediatur, transferri debet ad aliam feriam sextam intra tempus Paschale tantum, *S. R. C. 5 Maii 1756, in Einsidlen.*

1007. Die 5 Martii, qua in Germania occurrunt S. Anselmus abbas, et S. Cunegundis virgo imperatrix, faciendum est officium de S. Cunegunde, et assignanda fixa et propria dies pro S. Anselmo, *S. R. C. 5 Maii 1756, in Einsidlen.*

1008. Quando antiphonæ, et versus in Vesperis variandi sunt pro commemoratione alicujus simplicis faciendæ, tunc ad primas Vesperas accipiendæ est antiphona cum versu Laudum. Si vero plures sint commemorationes simplicium, tunc secunda commemoratio sumetur ex secundis Vesperis cum versu secundi nocturni; tertia vero commemoratio fiet, desumendo antiphonam et versum, dictos secundo loco in primis Vesperis, nempe antiphona secunda Vesperarum, et versus secundi nocturni, *sac. Rit. congregat. 5 Maii 1756, in Einsidlen. Vide n. 648.*

1009. Si festum S. Joannis Baptistæ, sive aliud ex solemnioribus venerit in die Corporis Christi, Officium S. Joannis singulari privilegio transferetur in sequentem diem a quocunque die duodecim lectionum etiam impedita, cum commemoratione Octavæ; sed in secundis Vesperis Corporis Christi fit commemoratio tantum S. Joannis. Cætera vero festa solemniora occurrentia in dicta die Corporis Christi transferantur infra Octavam in prima die non

impedita, *S. R. C. 25 Junii 1756 in Einsidlen.*: Duodecim lectionum, quia ad instantiam P. abbatis monasterii Einsidlenensis responsum fuit. *Vide n. 610.*

1010. Dum Missa cantatur coram SS. Sacramento in altari exposito, debet fieri commemoratio de eodem Sacramento post omnes alias commemorationes de præcepto, et in Missis solemnibus tantum festorum primæ et secundæ classis faciendæ est sub unica conclusione, *S. R. C. 25 Jun. 1756, in Burgen.*: Dum Missa cantatur coram SS. Sacramento: Loquitur de Missa solenni extra occasionem quadragesimæ Horarum, quando necessitas urget in eo altari cantare, vel recitare; in occasione enim prædicta, Missa cantatur de Sacramento, non de festo occurrenti diebus omnibus, exceptis festis primæ et secundæ classis, feria quarta Cinerum, feria secunda, tertia, et quarta majoris Hebdomadæ, tota octava Paschatis, et Pentecostes, Vigilia Nativitatis, et Pentecostes, et octava Epiphaniæ, in quibus diebus Missa erit occurrens cum commemoratione de SS. Sacramento sub unica conclusione; Ex brevi Clem. XII, 1 Sept. 1730, quod incipit Italice: *Essendo state fatte. Vide n. 1225.*

1011. Quando ob festum SS. Nominis Jesu contingat transferri aliud Officium duplex secundæ classis inferioris dignitatis, de eo debet fieri prima die non impedita, *S. R. C. 25 Junii 1756, in Einsidlen. Vide n. seq. et 901.*

1012. Sequentia in Missa de SS. Nominis Jesu est omittenda, *S. R. C. 25 Junii 1756, in Burgen. et 16 Febr. 1757, in Mechlinien.*: Sequentia est omittenda; minime vero a fratribus Seraphici S. Francisci; Missale proprium sub die 14 Januarii ab Innocentio Papa approbatum.

1013. Dum præter Missam conventualem cantatur Missa ex fundatione, in hac Missa non debet fieri commemoratio festi, de quo cantatur Missa conventualis, *S. R. C. 25 Junii 1756, in Burgen.*: Cantatur Missa ex fundatione; diebus a rubricis permissis. *Vide n. 264, 548 et 1261.*

1014. Quando occurrit Vigilia, aut feria Quatuor Temporum infra octavam Conceptionis B. M. V. debet recitari Officium de die infra octavam; Missæ autem, sive una cantetur, sive legatur, sint de feria Quatuor Temporum cum secunda oratione de octava, et tertia de Spiritu sancto, quæ semper dicitur infra octavas B. M. V. juxta tit. 9, de orationibus, n. 7 et 9; nam oratio, quæ ibi præscribitur dicenda secundo loco, ponitur tertio loco. At si feria quarta Quatuor Temporum occurrat in die octava Conceptionis, omnes Missæ private dicantur de octava cum commemoratione feriæ. Missa autem sollemnis, quæ dicitur post tertiam, erit de ipsa octava sine commemoratione feriæ, cum de ea cantari debeat alia Missa post Nonam sine commemoratione Conceptionis. Dicendæ autem sunt orationes assignatæ in ipsa feria, nempe secunda: *Deus, qui de beatæ Mariæ Virginis utero, et tertia Ecclesiæ, vel pro Papa, cum Præfatione communi.* Idem servandum est in Missa, et Officio alicujus sancti, ex speciali privilegio aliquibus in locis in Quadragesima octavam habente, in qua Missæ omnes dici debent de feria cum commemoratione octavæ, et tertia oratione *Concede*, non vero *A cunctis.* Tempore autem Passionis, quando contingat fieri Officium de infra Octavam, unica pariter cantari debet Missa de feria cum commemoratione diei infra octavam, et Præfatione de Octava, si habeatur propria, ut dictum est de Octava Conceptionis, *S. R. C. 25 Jun. 1756, in Einsidlen. Vide num. seq.*

1015. In Missa feriali, quæ substituitur Missæ de octava, est genuflectendum in choro, *S. R. C. 25 Jun. 1756, in Einsidlen.*: Est genuflectendum in choro; prælati, et iis, qui erunt parati, exceptis, in omnibus Missis etiam solemnibus dum celebrans facit confessionem cum suo psalmo; deinde in Missis ferrialibus, et Vigiliis, quæ jejuntantur, excepta Vigilia



Paschæ, et Pentecostes, ac Nativitatis Domini, et Quatuor Temporum Pentecostes, ac in Missis defunctorum genuflectunt omnes ad orationes, et a dicto per celebrantem Sanctus usque ad Pax Domini, et ad orationes post communionem, *Cærem episcop. lib. II, cap. 8, num. 52, et cap. 18, num. 19 seqq.* Missale tit. XVII. De ordine genuflectendi etc., n. 5. Vide num. 65.

1016. In Missa votiva, quæ celebrari aliquando potest infra Octavam, in Adventu, Quadragesima, Quatuor Temporibus, Vigiliis, et feria II Rogationum, prima oratio erit de Missa, secunda de octava, tertia de feria, et non recitatur evangelium feriat, sed initium S. Joannis *In principio*, etc., S. R. C. 25 Junii 1736, in *Einsidlen*: Missa votiva; intellige de privata. Quid vero dicendum de solemnibus, consule n. 548 et 1015.

1017. In occurrentia festorum ejusdem ritus, et alias quomodocunque parium talis ordo servetur, ut primum locum habeat Officium ecclesiæ particularis, secundum ordinis, tertium diocesis, quartum nationis, quintum Ecclesiæ universalis, S. R. C. 25 Junii 1736 in *Einsidlen*. et 22 Apr. 1741 in *Vilnen*: In occurrentia festorum; intellige in pari ritu et dignitate. Vide num. 522, 1162. An talis ordo habeatur etiam in translatione, consule num. 982.

1018. Octava S. Scholasticæ, quando de illa fiat Officium apud Benedictinos, impedit preces, etc. Quod si occurrat in feria quarta Cinerum, dicuntur preces, sed nihil fit de Octava, quæ terminatur ad primas Vesperas feriat quartæ Cinerum exclusive, S. R. C. 25 Junii 1736 in *Einsidlen*. Quid dicendum de his octavis occurrentibus in Dominica Passionis, require n. seq. et 98.

1019. Quæsitum fuit, an conformiter ad decretum S. R. C. de commemoratione Octavæ S. Scholasticæ in die Cinerum omittenda, etiam in Dominica Passionis, infra Octavam S. Benedicti cadente, et ejusdem Dominicæ in primis Vesperis sit omittenda commemoratio Octavæ? Et responsum fuit: In primis Vesperis faciendâ est commemoratio de die infra Octavam, quando Octava celebratur post Dominicam Passionis, secus autem si dies Octava incidat in eandem Dominicam Passionis, quia propter Dominicam privilegiatam cessat Octava, S. R. C. 25 Junii 1736, in *Einsidlen*. Vide num. ant. et 98.

1020. In officio votivo Immaculatæ Conceptionis in antiphona, quæ dicit, *Post partum Virgo inviolata permansisti*, dici non potest *immaculata*, S. R. C. 25 Junii 1736, in *Einsidlen*: Dici non potest *immaculata*. Quid vero dicendum de cognominibus, et patria sanctorum, consule n. 192 et 976.

1021. In Officio defunctorum in Vesperis et Laudibus dicendi semper sunt psalmi appositi, nempe *De profundis*, et *Lauda, anima mea, Dominum*, etc., post Vesperas et Laudes: omittantur iidem psalmi tantum in die Commemorationis Omnium fidelium Defunctorum, et in die Obitus, seu Depositionis defuncti, *sacr. Rit. congr. 25 Junii 1736, in Einsidlen. et 3 Aug. 1707, in una Quindetiæ Nolanæ dioceseos.* Vide num. 1067.

1022. Festum Inventionis S. Crucis cadens in Dominica, in qua celebratur festum Dedicationis ecclesiæ, non potest transferri in diem immediate sequentem, si hæc sit festo duplici vel semiduplici impedita, sed debet reponi prima die non impedita, S. R. C. 25 Junii 1736, in *Einsidlen*. Hoc decretum est universale quoad omnia alia Officia, servatis privilegiis Annuntiationis B. M. V. et aliis, de quibus consule num. 522, 621, 918, 979, 1095 seq., 1186 et 1254.

1023. In secundis Vesperis S. Emiliani abbatis (quod est duplex majus apud Benedictinos), quæ coincidunt cum primis Vesperis Omnium Sanctorum monachorum ejusdem ordinis, est faciendâ com-

memoratio de S. Emiliano, si ritus id permittat, nulla habita ratione, quod sit etiam ipse unus ex iisdem sanctis monachis, quorum festus dies celebrari incipit in diebus Vesperis, S. R. C. 25 Junii 1736, in *Einsidlen*.

1024. In Officio S. Mariæ in Sabbato a Patribus Benedictinis faciendâ est commemoratio S. Benedicti, non vero S. Scholasticæ. Rursus in Officio de S. Benedicto, quod iidem monachi celebrare solent infra singulas hebdomadas, non est faciendâ commemoratio sanctæ Scholasticæ, S. R. C. 25 Junii 1736, in *Einsidlen*.

1025. In Officio SS. Sacramenti, quod recitatur singulis v. feriis in Germania, et in Officio Immaculatæ Conceptionis, quod ex indulto S. R. C. recitatur in Germania sub ritu duplici in Sabbato, quoad commemoraciones in his faciendas, servetur rubrica de commemorationibus, et commemoratio S. Benedicti (a PP. Benedictinis) fiat in semiduplici, simplici, et feriis. Et quoad Officia S. Benedicti, S. Scholasticæ, SS. Sacramenti, et Immaculatæ Conceptionis, servetur decretum diei 20 Martii 1706, quo prohibentur hujusmodi Officia celebrari infra Quadragesimam, Adventum, Quatuor Tempora, ferias Rogationum, et Vigiliis omnes, sive cum jejuniis, sive sine jejuniis, S. R. C. 25 Junii 1736, in *Einsidlen*: Servetur rubrica de commemorationibus; quæ admittit commemorationem de festis simplicibus, de octavis, et de Dominica in primis Vesperis; quæ vero communes, seu suffragia vocantur, non admittit, cum sub ritu duplici prædicta Officia recitentur, *Rub. Brev. IX de commem., num. 1 seqq.*, et xxxv De commemorationibus, seu suffragiis Sanctorum num. 1: Ferias Rogationum; seu alias, in quibus Officium Dominicæ reponendum sit ex rubricis. Vide n. 826.

1026. Quando festum SS. Philippi et Jacobi cadit in Dominica, tunc ultimum responsorium, quia est proprium, dicatur loco penultimi, quod est de Dominica pro Benedictinis, S. R. C. 25 Junii 1736, in *Einsidlen*.

1027. Festum sacrarum Reliquiarum, quæ asservantur in ecclesiis ordinis Benedictini, celebrandum est ab ipsis monachis de præcepto, et quidem die 30 Octob., S. R. C. 25 Junii 1736, in *Einsidlen*: Festum sacrarum Reliquiarum; non admittit evangelium ultimum, si occurrat cum Vigilia Omnium Sanctorum. Vide n. 985.

1028. Festum B. M. V. de Monte Carmelo celebrandum est ab omnibus die 16 Julii de præcepto, et servari debet decretum emanatum 24 Septembris 1726, S. R. C. 25 Junii 1736, in *Einsidlen*: Servari debet decretum emanatum; per Benedictum XIII, Urbis et Orbis die 24 Septembris 1726.

1029. Festum SS. Nominis Mariæ celebrandum est Dominica infra Octavam Nativitatis ejusdem, S. R. C. 25 Junii 1736, in *Einsidlen*. Vide num. seq.

1030. Quando dies octava Nativitatis B. M. incidit in Dominica, in qua celebrari debet festum SS. Nominis ejusdem, nulla fit commemoratio Nativitatis, S. R. C. 25 Junii 1736, in *Einsidlen*. Vide num. ant.

1031. In secundo triduo majoris Hebdomadæ non possunt celebrari exsequiæ defunctorum, et Officium, et preces recitentur privatim, S. R. C. 11 Aug. 1756, in *Placentina*. Vide n. 499.

1032. Si festum Purificationis B. M. V. venerit in Dominica Septuagesimæ, vel Sexagesimæ, in ecclesiis dicatis sub titulo Annuntiationis, vel Assumptionis, debet cantari Missa Dominicæ tantum, nec faciendâ est commemoratio Purificationis B. M. V., S. R. C. 15 Sept. 1736, in *Toletana*: Nec faciendâ est commemoratio Purificationis; Officium vero Purificationis quando transferendum, Vide n. 552.

1033. In processione feriat sextæ in Parasceve, epi-

copo totum Officium, et sacram functionem in pontificalibus non peragente; non sunt a gestantibus hastas baldachini adhibenda pluvialia, sed solum cottæ, S. R. C. 15 Sept. 1736, in *Toletana*: Sed solum cottæ; ita etiam episcopo celebrante, deficientibus pluvialibus, *Cærem. episc. lib. II, cap. 25, n. 31.* Vide n. 10.

1034. In adoratione crucis feriat sextæ in Parasceve debent celebrans, et ministri deponere etiam manipulum, S. R. C. 15 Septembris 1736, in *Toletana*.

1035. Translato festo semiduplici ad Vigiliam alicujus apostoli, in Missa festi, tertia oratio debet esse *A cunctis*, S. R. C. 15 Sept. 1736, in *Toletana*: In Missa festi; in Missa vero Vigiliæ dicitur *Ecclesiæ*, vel pro Papa, *Rub. Miss. de orationibus, n. 9.*

1036. Si secunda oratio est de Spiritu sancto, aut de eo fit mentio, tertia, sive ultima non debet concludi, *ejusdem Spiritus sancti Deus, etc.*, S. R. C. 15 Sept. 1736, in *Toletana*: Tertia, sive ultima non debet concludi; sed quando dicuntur plures orationes, prima tantum, et ultima cum sua conclusione terminantur, et ante primam et secundam dicitur *Oremus, et ante primam dicitur etiam Dominus vobiscum, exceptis secretis, in quibus, et Dominus vobiscum, et Oremus omittuntur, Rub. Miss. VII, de com., num. 7, et de Offer. VII, num. 1.* Si oratio dirigitur ad Patrem, concluditur, *Per Dominum nostrum, etc.; si ad Filium, Qui vivis, et regnas cum Deo Patre; si in principio orationis fiat mentio Filii, concluditur, Per eundem Dominum nostrum; si in fine orationis ejus fiat mentio, Qui tecum vivit; si facta sit mentio Spiritus sancti inclusive, dicitur, In unitate Spiritus sancti, etc. Rub. Miss. de oratione IX, num. ultimo.*

1037. In communione Monialium habentium fenestrellam in parte evangelii, sacerdos debet descendere, et reverti per gradus anteriores, et non per laterales altaris, *sac. Rit. congreg. 15 Septembris 1736, in Toletana.*

1038. Post expositionem reliquiæ SS. crucis, vel post ejus delationem in processione, benedicendum est populo cum ipsa, S. R. C. 15 Septembris 1736, in *Brixien*: Reliquiæ SS. crucis. Quid dicendum de aliis reliquiis, et SS. imaginibus. Vide num. seqq. et 705.

1039. Reliquia SS. crucis non est incensanda a celebrante genuflexo, S. R. C. 15 Sept. 1736, in *Brixien*. Vide n. seq.

1040. Non est genuflectendum a capitulo, et clero processionaliter transeuntibus ante altare, in quo recondita est reliquia SS. crucis, S. R. C. 15 Sept. 1736, in *Brixien*. Vide n. ant.

1041. In Missis ferialibus a Dominica Passionis usque ad feriam quintam in Coena Domini, et infra octavas Paschatis, et Pentecostes, juxta alias resolutiones 22 Nov. 1619, in una rubricarum, 15 Sept. 1692, in Caesaraugustana, et 4 Maii 1709, in Pistoriensi; occurrente festo simplici, non est dicenda tertia oratio *Ecclesiæ*, vel pro Papa, S. R. C. 15 Sept. 1736, in una rubricar. Vide n. 628: In Missis ferialibus; secus autem semiduplicibus eo tempore occurrentibus. Vide num. 614.

1042. Ex parte cleri Ecclesiæ Toletanæ quæsitum fuit, an occurrente festo duplici secundæ classis octavam habente cum Dominica Septuagesimæ, si (sequentibus feriis occupatis) transferatur ad sequens Sabbatum, secundæ Vesperæ erunt. In primis aut in secundis Vesperis festi cum commemoratione Dominicæ in Sexagesima, aut erunt de Psalterio a capitulo Dominicæ cum commemoratione diei octavæ: et quid, si dies octavus habeat orationem propriam. Et S. R. C. ponente eminentissimo Zondadari respondit, secundas Vesperas festi fieri debere cum commemoratione Dominicæ in Sexagesima, et in die Octavæ esse recitandam

orationem propriam, eadem S. R. C. 15 Sept. 1736, in *Toletana*: In die Octavæ; in qua omittuntur preces ad Primam et Completorium, ac Sanctorum suffragia. *Rubric. Breviar. in suis propriis locis.* Vide num. 188.

1043. Ex parte ejusdem cleri quæsitum pariter fuit, an stantibus decretis de non addendo, mutando, vel detrahendo in Breviario Romano, nec non decretis Officiorum noviter apponendorum in corpore, in quibus præcipitur his verbis: *debeant, teneant, agant*, in Officiis vero provincialibus concluditur sic, *valeant, possint, recitare posse censuit, concessit, annuit*, etc., si autem in aliqua Ecclesia, præsertim Regularium, sint tot festa, quod non possunt nonnulla semiduplicia translata, adhuc recurrente anno, reponi semel in biennio: in hoc casu quæsitum, inquam, fuit, an licebit omittere quæ sunt de Breviario, ut fiat de particularibus dicto modo concessis? Et S. R. C. respondit: Detur decretum in Hispalensi, emanatum sub die 26 Nov. 1735. Eadem S. R. C. 15 Septembris 1736, in *Toletana*: An licebit omittere quæ sunt de Breviario, ut fiat de particularibus; affirmative respondit S. R. C. ut videtur sub n. 1017: Detur decretum in Hispalensi; declarans tanquam simplices sub ritu semiduplici considerandos esse sanctos, qui in fine anni supersunt. Vide n. 695.

1044. Officia B. M. V., nempe Desponsationis, Patrocinii, Translationis almæ domus, et Expectationis partus a S. M. Benedicto XIII, die 23 Augusti 1725, pro toto statu ecclesiastico concessa, sub ritu duplici majori celebrari debent. Ita declaravit, et servari mandavit S. R. C. 15 Septembris 1736, in una *Dubior*.

1045. An festa diocesana occurrentia eodem die cum festis Romanis, præponenda sint festis Romanis ejusdem ritus et solemnitatis, ex gr. die 4 Dec. festum diocesana S. Barbaræ occurrat cum festo duplici Romano S. Petri Chrysologi, dubitatur, et quæritur, quale festum sit prius celebrandum? Et responsum fuit: Detur decretum sub die 12 Julii 1704, in una Urbis, S. R. C. 16 Febr. 1737, in *Mechlinien*: Decretum sub die 12 Julii 1704, præponenda festa diocesana Romanis docet cum paritate ritus et dignitatis. Vide num. 802 et 981.

1046. An die 25 Januarii in festo Desponsationis B. M. V. sit faciendâ commemoratio sponsi S. Josephi, tam in Officio, quam in Missa? Et responsum fuit: Servetur rubrica, quæ habetur in Officio Desponsationis, S. R. C. 16 Febr. 1737, in *Mechlinien*, vel 25 Junii 1736, in *Brugen*: Servetur rubrica; quæ concedit tantum fieri commemorationem ab iis, qui expresse habent indultum. Vide num. 977.

1047. Cum festum S. Gregorii VII, ex mandato Benedicti XIII, celebrandum sit die 25 Maii, quo die antea celebrabatur festum semiduplex S. Mariæ Magdalene de Pazzis, quæritur, an hoc festum habeat diem fixam, an vero sit transferendum in primam diem non impeditam. Et responsum fuit ei assignandam esse primam diem non impeditam, S. R. C. 16 Febr. 1737, in *Mechlinien*, et antea 25 Junii 1736, in *Brugen*.

1048. An festum Nominis B. M. V. in diocesis imperatori subjectis sit duplex majus, prout in Breviario ponitur, an vero duplex secundæ classis ob indulgentias plenarias ab Innocentio XIII concessas anno 1722, prout in diocesi Viennensi? Et responsum fuit affirmative ad primam partem, negative ad secundam. S. R. C. 16 Febr. 1737, in *Mechlinien*.

1049. An in festo S. Lucie die decima tertia Decembris possit legi nona lectio propria alicujus S. simplicis, ut de S. Jodoco solet legi in hac diocesi, de quo in illa sit commemoratio? Et responsum fuit affirmative, S. R. C. 16 Febr. 1737, in *Mechlinien*, et antea 24 Junii 1736, in *Brugen*.